

Мадина уй-жой қўмитаси 2025 йил ҳаж мавсуми учун рухсатномаларни қабул қилишни бошлади



10:37 / 24.10.2024 1329

Мадинадаги ҳаж уй-жой қўмитаси ҳаж учун уй-жой рухсатнома аризаларни ҳижрий 1446 йил ражаб ойи охиригача қабул қилишини маълум қилди. Бу ҳақда theislamicinformation.com сайти хабар беради.

Ҳаж уй-жой қўмитаси ариза берувчиларга аризаларини топширишдан олдин барча талаб қилинадиган шартларни бажариш кераклигини эслатиб ўтади.

Зиёратчиларни турар жой билан таъминлаш истагида бўлган мулк эгалари ва инвесторлар зарур меъёрий талабларга жавоб бериши учун ўз аризаларини зудлик билан топширишлари тавсия этилади.

Қўмита ҳаж мавсумида уй-жой билан таъминлаш жараёнини муаммосиз ва уюшқоқлик билан ўтказиш кераклигини ҳамда белгиланган кўрсатмаларга риоя қилиш муҳимлигини таъкидлади.

Рухсатномалар онлайн портал орқали кўриб чиқилмоқда. Қизиқувчилар қуйидаги ҳавола орқали мурожаат қилишлари мумкин: [Ҳажга уй-жой олиш учун ариза.](#)

